

越縵堂日記

第二十九冊

桃花聖解金日記辛集第二集



光緒三年丁丑十二月辛巳朔晨霽上午晴下午復霽是日有風嚴寒 得

紱文書偕春融堂集即復 印結局送來前月公費銀八兩 作書復

致夫託天台武狀元陳子香寄去 再得紱文書饋 內廷餉二令即復

謝 向寶森書坊偕南齋書及沈子敬落颿樓文鈔 得陳鈞堂書即

復 宋書魯爽傳義宣初舉兵召秀爽之弟加節進號征虜將軍當繼謀之

俱下官本攷證云謀南監本作湛譙徐湛之也慈鉢案徐湛之非義宣黨且早

為元凶所殺湛字亦不得誤作謀蓋當作湛謂義宣參軍劉湛之也義宣

傳言遣湛之等率軍下就臧質臧質傳言義宣腹心劉湛之南監本正

作湛此傳未出劉湛之姓名因臧質傳屢見劉湛之而此傳係質傳後遂略

其姓亦是休文疏處或傳寫所脫北監本汲古本遂皆誤譌作譌官本悉據
北監作攷證若因見此傳上文有元凶謂秀曰我為卿誅徐湛之之語遂不辨
其前後文理而以徐湛之當之可笑甚矣又此傳云益州刺史劉秀之遣軍
襲江陵秀擊破之義宣還江陵秀與共北走眾叛且盡秀向城上射之中箭
赴水歿官本作秀之向城上射之多一之字蓋以為劉秀之也案劉秀之為益州
刺史此時何由入荊州而魯秀亦不能至益州且北走者尚有義宣則射歿
若果何人自城上射下亦不得云向蓋傳文本當作秀向城城上射之脫一城字
耳義宣傳言義宣走未出郭眾散盡夜還向城則秀當亦走回荊州時竺超
氏已志在歸順為荊州城守故從城上射之觀義宣之還超氏即送入獄則秀可
知矣北監本多妄改大略如此而官本誤因之

師鈔

上諭左宗棠奏官軍追剿逆回連復阿克蘇烏什兩城一摺官軍進規新疆南

路自克復喀喇沙爾庫車各城後甘肅西甯道劉錦棠督率所部疾馳

西進自九月十五至二十日將安進延白彥虎各股追剿迭獲勝仗殺賊數千連

復阿克蘇烏什兩城就撫各回不計其數師行迅利大振軍威此次官軍於冰

霜凜冽彌望戈壁之中一月馳驟三千餘里收復四城南路已復其半劉錦棠

著開缺以三品京堂候補餘計賞有差

提督譚拔萃照一等軍功例從優議叙總兵張俊遇有提督
萬鵬席大成前經賞給雲騎尉世職均改為騎尉尉世職戴宏勝陶生林蕭元亨均賞給雲騎尉世職陳連厚
譚煥興均賞穿黃馬褂其陣亡之總兵朱成奇等十三人均從優議卹

工部郎中松長授貴州糧儲道

初二日壬午晴 雜校南史宋書齊書 得紱文書還春融堂集借日

越縵堂雜著

記即復 夜閱宋書謝靈運山居賦齊書張融海賦二賦實六朝奇作

而謫奪太多張賦尤甚不可句讀若無善本校之 再得紱文書還日記

即復 付賃屋銀八兩

卹鈔

詔初四日再親詣 大高殿祈雪

以順天府府尹張深卿為宗人府府丞

初三日癸未晨晴上午大風晴下午霽

校謝靈運傳

從食來

從寶森偕官本南齊書

酉正初刻十一分小寒

十二月節

夜閱落駟樓文案其為人後者為所生服議殤不當立後議皆

書賀循傳書後皆有闕世道不止足裨經學西游記金山以東釋尊嶺南北

河故新疆私議後魏六鎮釋以地理兼經制亦絕學也

郎鈔

郎前順天府府尹彭祖賢仍補原官

初四日甲申晴風寒冽特甚 得伯寅侍郎書惠銀十三兩即復

謝橋使五千 得王子獻前月八日鄞縣書全託彼夫寄去書件猶未

到何也 收莊來饋冬筍二斤江瑤柱一包園驢蒜至晚去 校謝靈運

傳記

郎鈔前理藩院侍郎載鷹弁

郎旨褒惜照侍郎例賜卹

初五日乙酉晴午前後有風 為王子獻題海天琴嘯圖五律一首即

作復書交阜康錢鋪寄去 作書致牧莊饋以燭因燭崔及蘆菹

餅三十枚 孺初來 鬢頭

郎鈔江西巡撫劉秉璋奏已故鄱陽縣知縣沈衍慶署鄱陽縣事樂乎

縣知縣李仁元於咸豐三年七月同在鄱陽縣禦賊陣亡業經 優卹建祠該

故員政績卓著死事最烈請 宣付史館立傳並懇 賜諡

衍慶安徽石埭人道光己未進士元已見庚申日記

詔沈衍慶李仁元等事實宣付國史館編入循吏列傳至應石予諡著禮部

議奏 部駁不準予諡

命潘祖蔭殷兆鏞麟書為考試國子監學正學錄及各縣縣閱表官

翰林院侍讀黃毓恩授四川夔州府知府

初六日丙戌晴嚴寒 比日患腹脹

郎鈔內閣學士周壽昌奏病難速痊請開缺調理

新之

以新授廣西布政使勒方鐫調補江蘇布政使以直隸按察使范梁殷唐庚子為

廣西布政使以天津津海關道黎兆棠順德丙辰為直隸按察使江蘇布政使恩錫入覲行至安肅暴死

初七日丁亥晴 得牧莊書饋酒一甕燭五斤即復謝橋使五千

比日嚴寒特甚無一塵事雜校宋書南齊書及南史 南史臧質傳質走

至尋陽樊府舍載妓妾入南湖摘蓮噉之案宋書質傳質自尋陽載妓妾

西奔使所寵何文敬領兵居前至西陽太守魯方平誑文敬棄眾而走質往投

妹夫武昌太守羊沖既至沖已為郡丞胡底之所殺無所歸乃入南湖逃竄無食

摘蓮噉之南史載妓妾下當有脫文延壽不至疏略如此也入南湖下逃竄無食

四字亦不可省 宋書沈慶之傳慶之既為前廢帝所殺贈侍中太尉如故謚

曰忠武公太宗即位追贈侍中司空謚曰襄公南史同案明帝之贈反較廢帝

為下若以秦始皇初於景紀之政一切反之故其時諸臣存者官爵一例削退見沈攸之

等傳

位三廢帝時封樂興縣侯太宗即位以削削封

慶之光於孝武時授司空固辭至廢帝時拜太尉故

明帝轉以司空為贈而去其太尉也惟慶之本封始興郡公嘗以始興優近求

改南海郡孝武不許而明帝泰始七年改封蒼梧郡公則似有意貶下之猶

襄之謚亦遠遜忠武也

沈攸之人不足數然其起兵實忠於宋南齊書張

敬兒傳載攸之與齊高祖

帝

絕交書其辭甚直宋書攸之傳不載然猶載

其與武陵王贊一書猶足見其本心南史皆削之惟宋書載齊高帝討攸

之時尚書符征西府一檄南史亦削之是也攸之起兵與魏之母邱儉諸葛誕

情事正同而檄文起處適引儉詆為此可登一喙南齊書柳世隆傳亦載此檄而去其首數行實蕭子顯悟而刪之歟然子顯為齊高之孫而敬兒傳南齊書及高帝荅書此直道之在人心也高帝荅書周彥倫所為見南齊書彥倫傳南史亦略之嘗謂絕交書及荅書宜全入攸之傳中

宋書謝靈運傳靈運山居賦有兩智通詔語錢竹汀謂智字字書所無訪之通人亦無知者案此賦自注中屢言前智後智則必非誤字又南

齊書周彥倫傳彥倫為山陰令縣舊訃彥民以供雜使彥倫力言彥民之困又有上虞以百戶一滂大為優足之語彥民亦不知何解蓋皆當時吾

越方言也

南齊書陸澄傳澄領國子博士時國學置鄭玉易杜服春秋

何氏公羊糜氏穀梁鄭元孝經案下澄與王儉書謂晉太興四年太常荀

崧請置周易鄭注博士太元立王肅易元嘉建學之始王弼兩立逮顧延之
為祭酒黜鄭置王是其時國學已不立鄭易鄭王易當作王弼易王西莊謂
置上有一議字若非也澄明言太元取服虔左氏兼取賈逵經今留服而去賈
太元有穀梁麋信注顏益以范甯麋猶如故是諸家已早置矣 純乃
豚之俗字始於六朝王篇尚無此字廣韵始收之豚下南齊書江革傳江夏王
寶元妃索綯純劉暄曰旦已養鷺不煩復此今南齊書南史各本皆誤作
眈晉宋諸書南北史世說屢見純字 陸澄與王儉書言王弼易注之非其下
云左氏太元取服虔而兼取賈逵經服傳無經雖在注中而傳又有無經者故
也今留服而去賈則經有所闕案杜豫注傳王弼注易俱是晚出並賈後生杜
之異古未如王之奪賈祖述前儒特舉其違又釋例之作所引惟深

王西莊謂此
下有脫文是

也是澄意本欲兼立賈氏又以杜之注左傳特較勝王之注易雖意謂可立非以
為勝賈也又云穀梁太元舊有廢信注顏益以范甯廢猶如故嘗謂穀梁為
公羊為注者又不盡善恐不足兩立必謂范善便當除廢是澄雖不云范勝
於廢而意在去廢也儉荅書謂元凱注傳超邁前儒若不列學官

望此下當有
春秋二字

其可廢矣賈氏注經世所罕習穀梁小者無係兩注存廢略范率由舊式是
儉意並不與澄同而下云凡此諸義並同雅論蓋以左傳立杜氏穀梁止立一家
大略如澄議耳

宋書臧武傳隨府轉鎮南將軍傳隆傳年四十始為孟

昶建成將軍案兩將軍俱當作參軍各本皆誤

宋書謝瞻傳弟瞻幼

有殊行所生母邵氏久嬰錮疾恐僕後營疾懈倦躬自執勞為母病畏驚微
踐過甚一家尊卑感瞻至性咸納屢而行案微踐過甚者謂踐履甚微恐

以行步聲驚其母也六朝每有此等句法故下云家人咸納屨而行其事如

見汲本南北監本皆同而南史誤作母為病畏驚而微賤過甚官本遂振以改

宋書試思上已云所生母則自非正嫡不必又言微賤且妾婢皆為微賤亦不必云故

甚而於下家人咸納屨語意亦不貫矣 宋書孔季恭傳季恭子靈符入為

丹陽尹山陰縣土境福陟俗作民多田少靈符表徙無貲之家於餘姚鄞

三縣界墾起湖田此可見吾邑人丁之盛六朝已然也其傳論云會土帶海徧

湖良疇亦數十萬頃膏腴上地略直一金鄞杜之間不能比也此可見吾邑田價之

高古今如一也 宋書孔琳之傳言今世惟尉一職獨用一印至於內外羣官每

遷悉改終年刻鑄喪功消費是六朝以前易官即易印近儒紛言改殷或

振漢書朱買臣傳以為一人一印或據後漢馬援傳注以為官不易印蓋未

檢此傳也

宋書臧質傳

臧質

版南郡王義宣云丞相劉令補天子名義宣

乘本武夫樂亂自不必言而孔琳之亦云官莫大於皇帝此萬非後世所敢言

作晉安帝時論鑄印事

也黃黎洲明夷待訪錄謂卡若天子位高冢宰一等故天子崩冢宰攝政固

非駭人之論耳

宋書蔡興宗傳言右衛將軍王道隆詣興宗不敢就席

良久方去竟不呼坐因及元嘉初中書舍人狄當

當作社當

詣王曇首中書舍人王弘詣

王球二事王弘乃曇首之兄球之從祖兄為元嘉功臣之首位司空太保動貴莫二

統

必無人敢與之同名而南史作弘興宗其下又云弘還若弘既是姓則下之還應稱

名蓋誤也南史王球傳作徐爰爰為得之爰後在孝武時兼著作修宋書

皆

而在元嘉時則權龍未盛蓋爰誤作宏又轉為弘宋書後因上言王曇

首遂謫王弘南史因在蔡興宗傳遂謫作弘興宗要皆傳刻之謫非沈李

之誤 南史江革傳弟祀字景昌位鎮北長史南東海太守行府州事案上
言祀在明帝時已由衛尉為侍中懋鬱林時與始安王遙光尚書令徐孝嗣等
侮六貴與革同見殺安得謂終於長史太守攷南齊書云祀初為南郡王國
常侍歷高祖當作高宗驃騎東閣祭酒祕書丞晉安王鎮北長史南東海太守行
府州事是皆謂其歷官耳南史省去數語遂於官制不明 南史之攷行

宋齊諸書誠多未善於宋書所載朝章國故刊落尤多南齊書中關係

之文亦多刪削惟其以氏族連合為傳則別有深意殊未可非蓋當時既

重氏族而繁經喪亂譜牒散亡北朝魏收魏書猶多子姓合傳南朝則沈

約蕭子顯姚思廉等專以類叙於兄弟子姓分新太甚其書本為通史之

李氏校力補之

體與八書各自行世故先以四代帝紀次以四代后妃而各代列傳又皆先以諸

王其諸臣則有世系者皆聯綴之以存譜學若欲改時代先後則區分類別
自有本書因茲行不悖者也夫古人著述類細推其旨不可率令譏之

郇鈔

以劉長明為湖南永州鎮總兵

初八日戊子晴風散霽

作臘八齋祀先人

校宋書及南史比日

嚴寒夜臥甚遲有大風

郇鈔譚鍾麟奏參陝西富平縣知縣劉志同署高陵縣知縣陳衍昌省
城南關鄉廠委員候補知縣何廉賈景范等辦理賑務諸多情弊請革訊
詔劉志同等實堪痛恨均著即行革職提同局紳丁役人等嚴訊

初九日己丑晴嚴寒特甚

校宋書及南史

秀清來

聞前日天津

粥廠災燒亦飢民二千餘人哀天竟何辜哉

初十日庚寅晴是日寒威少減 校宋書及南史

郎鈔

以前

鎮總兵楊芳桂為河南南陽鎮總兵

詔此次恭修

玉牒告成提調官戶部員外郎福劍在任以四品京堂候補

並賞加三品銜宗人府理事官戴夢纂修官宗人府理事官桂勛均在任以

五品京堂升用並交部議叙餘升賞有差從厚親王等奏請也

十一日辛丑霽

得竹簣書并鸛徵後錄缺葉三紙即復 午詣潘

星丈久諒荅拜色館王栗夫復詣謝夢翁并晤麀伯哺後歸 校

宋書